



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-347-8/24**
Datum: **27.11.2024. godine**

„Agencija za vodno područje rijeke Save“ Sarajevo rješavajući po zahtjevu pravnog lica „DIVEL“ d.o.o. Sanski Most, za izdavanje vodne dozvole za ispuštanje oborinskih onečišćenih voda i aktivnosti koje mogu imati specifične uticaje na vode prilikom izvođenja aktivnosti na lokaciji kamenoloma "Poljane" u naselju Sanica Donja, Općina Ključ, na osnovu člana 139. stav (1) tačka 3. i 10. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Pravnom licu, „DIVEL“ d.o.o. Sanski Most, daje se vodna dozvola za ispuštanje oborinskih onečišćenih voda i aktivnosti koje mogu imati specifične uticaje na vode prilikom izvođenja aktivnosti na lokaciji kamenoloma "Poljane", a čije su granice istražnog polja odobrene Rješenjem Federalnog ministarstva prostornog uređenja i okolice, broj: UP-I/02/2-23-2-15/00 od 22.08.2000. godine, kojim se daje urbanistička saglasnost za eksploataciju mineralne sirovine kamena krečnjaka (dolomitnog grusa), u šumi i na šumskom zemljištu, na lokalitetu „Poljane“, Rješenjem Federalnog ministarstva energije, rudarstva i industrije, Up/I broj: 06-18-855/06 od 21.06.2007. godine, kojim se odobrava eksploatacija mineralne sirovine dolomitnog grusa unutar granica eksploatacionog polja „Poljane“, odnosno Rješenjem Ministarstva privrede Unsko-sanskog kantona broj: 06-18-13277-UP-1/2016 od 25.10.2016. godine, kojim se dozvoljava izvođenje radova po Glavnom rudarskom projektu površinskog kopa dolomitnog grusa „Poljane“ Donja Sanica kod Ključa, odnosno Rješenjem istog ministarstva, kojim se odobrava privrednom društvu „Divel“ d.o.o. Sanski Most produženje roka važenja odobrenja za eksploataciju mineralne sirovine – dolomita na eksploatacionom polju ležišta „Poljane“ kod Donje Sanice na period do 21.06.2047. godine.
2. Ova vodna dozvola ne oslobađa podnosilca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede, vodoprivrede i šumarstva Unsko-sanskog kantona, u skladu sa članom 139. stav (2) tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da korisnik predmetnih objekata, u toku važenja ovog Rješenja realizira dostavljeni detaljni dinamički plan po godinama sa aktivnostima, finansijskom procenom i rokovima za izgradnju i puštanje u rad sistema za prikupljanje, tretman i ispuštanje otpadnih voda, a najkasnije do 30.06.2026. godine (Prilog A) odnosno da izvede radnje predviđene revidovanom investiciono-tehničkom dokumentacijom - projektom u svrhu pribavljanja vodnih akata (vodna dozvola) – projekt izvedenog stanja, hidrotehnička faza; urađen od strane Urbis centar d.o.o. Banja Luka pod brojem 1405-P/2015, jula 2015. godine u Banjaluci, odnosno uvjetovanom revidiranom projektnom dokumentacijom - Glavnim projektom sistema sakupljanja, tretmana i ispuštanja otpadnih voda sa lokacije predmetnog kamenoloma; odnosno:
 - Da se angažiraju ovlaštena pravna lica sa ovlaštenjem Federalnog ministarstva poljoprivrede, vodoprivrede i šumarstva za izradu i reviziju projektne dokumentacije na osnovu koje se izdaju vodni akti (lista A), koja će uraditi snimak postojećeg stanja izgrađenih objekata na prostoru predmetnog kamenoloma na ažurnom geodetskom snimku terena urađenog na katastarskoj podlozi te nakon toga isprojektirati:
 - AB plato za parking, tankovanje, pranje i održavanje radnih mašina sa predviđenim oivičenjima i kanalisanjem otpadne vode prema uređaju za tretman,
 - Sistem snabdijevanja vodom za sanitarne potrebe radnog osoblja te tehnološke potrebe obaranja prašine na separacijskom postrojenju i transportnim putevima unutar kamenoloma, i slično,

- Sistem za prijem, transport, tretman i ispuštanje zauljenih oborinskih voda sa prostora platoa za tankovanje, pranje i održavanje radnih mašina. Predvidjeti taložnik za prikupljanje suspendiranih materija, čestica pijeska i zemlje te nakon toga predvidjeti uređaj za prečišćavanje zauljenih otpadnih voda – separator ulja i masti sa koalescentnim filterom i automatskim zatvaračem,
- Sistem za prijem zamuljenih oborinskih voda sa prostora radnih površina kopa, površina za skladištenje gotovih proizvoda (frakcije kamena) te transportnih puteva kamenoloma. Predvidjeti izgradnju taložnika za smirenje čestica pijeska i jalovine dimenzioniranog prema proračunatoj količini oborinske zamuljene vode,
- Sistem za prijem oborinskih voda sa okolnog prostora koje se slijevaju prema radnim površinama eksploatacionog polja izgradnjom obodnih kanala te odvodom ka recipijentu – cestovnom kanalu makadamske pristupne ceste. Predvidjeti taložnik za smirenje suspendiranih čestica dimenzioniran prema proračunatoj količini oborinskih voda. Predvidjeti jedan taložnik za zamuljene vode sa radnih prostora kopa i oborinske vode sa vanjskih slivnih površina prema kamenolomu te okno za uzorkovanje prečišćenih voda na odvodnom kanalu, iza taložnika prema recipijentu.

Projektnu dokumentaciju uraditi i revidirati do kraja decembra 2024. godine.

- Izrada AB platoa za parking, tankovanje, pranje i održavanje radnih mašina sa predviđenim oivičenjima i kanalisanjem otpadne vode prema uređaju za tretman do kraja maja 2025. godine,
- Izrada sistema snabdijevanja vodom za sanitarne potrebe radnog osoblja te tehnološke potrebe obaranja prašine na separacijskom postrojenju i transportnim putevima unutar kamenoloma sa proračunima, razvodom do izlivnih mjesta, i slično, do kraja juna 2025. godine,
- Izrada sistema za prijem, transport, tretman i ispuštanje zauljenih oborinskih voda sa prostora platoa za tankovanje, pranje i održavanje radnih mašina. Izraditi taložnik za prikupljanje suspendiranih materija, čestica pijeska i zemlje te nakon toga instalirati uređaj za prečišćavanje zauljenih otpadnih voda – separator ulja i masti sa koalescentnim filterom i automatskim zatvaračem, do kraja marta 2026. godine,
- Izrada sistema za prijem zamuljenih oborinskih voda sa prostora radnih površina kopa, površina za skladištenje gotovih proizvoda (frakcije kamena) te transportnih puteva kamenoloma. Izraditi taložnik za smirenje čestica pijeska i jalovine dimenzioniran prema proračunatoj količini oborinske zamuljene vode, do kraja aprila 2026. godine,
- Izrada sistema za prijem oborinskih voda sa okolnog prostora koje se slijevaju prema radnim površinama eksploatacionog polja izgradnjom obodnih kanala te odvodom ka recipijentu – cestovnom kanalu makadamske pristupne ceste. Izraditi taložnik za smirenje suspendiranih čestica dimenzioniran prema proračunatoj količini oborinskih voda. Predvidjeti jedan taložnik za zamuljene vode sa radnih prostora kopa i oborinske vode sa vanjskih slivnih površina prema kamenolomu. Rok izgradnje do kraja maja 2026. godine.

- 3.2. Da korisnik objekta za eksploataciju dolomita na površinskom kopu „Poljane“ s pratećim sadržajima, u roku od **1 (jedne) godine dana**, od dana pravosnažnosti ovog rješenja, sa koncesorom zaključi aneks ugovora o koncesiji, budući da važnost istoga prestaje sa 4.12.2024. godine.
- 3.3. Skladištiti ulja i maziva u natkrivenom prostoru ili izgraditi namjenski objekt za skladištenje i pretakanje ulja i maziva te izvesti AB tankvanu od vodonepropusnog betona otpornog na dejstva hemikalija.
- 3.4. Opasni materijal i otpad nastao pri izvođenju radova i eksploataciji mineralne sirovine ne smije se ni privremeno odlagati na česticu «vodno dobro», odnosno u vodotok i na njegove obale.
- 3.5. Metalne otpade potrebno je sakupiti u namjenske posude do odvoza od strane firme koja ovaj otpad koristi kao sirovinu.
- 3.6. Odabarnim sistemom tretmana otpadnih tehnoloških voda se mora obezbjediti da granične vrijednosti parametara efluenta budu u granicama vrijednosti datih u koloni 3, tabele 1.1 Priloga 1 te propisanim graničnim vrijednostima emisije supstanci i parametara kvaliteta za tehnološke otpadne vode – Granične vrijednosti emisija otpadnih voda iz iskopavanja kamena, kvarca, dolomita, definisane tabelom 1. Priloga 27 Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).

- 3.7. U cilju praćenja kvaliteta ispuštene prečišćene otpadne vode, potrebno je da se na odvodnom kolektoru a prije ispusta u prijemnik, predvidi izgradnja okna za monitoring, shodno članu 19. stav (4) Uredbe o uslovima ispuštanja otpadnih voda u okoliš i sisteme javne kanalizacije.
- 3.8. Otpadno ulje (rabljeno ulje), zauljeni otpadni materijal (filteri, krpe, pucvale i slično), ulje iz separatora te talog iz taložnika, potrebno je prikupljati u zasebnu ambalažu, u skladu sa propisima iz oblasti zaštite okoliša. Zbrinjavanje ovih otpada treba povjeriti firmi ovlaštenoj za zbrinjavanje opasnog otpada.
- 3.9. Objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje separatora ulja i masti može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.
- 3.10. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i radnih površina nesmetano sakupljaju i odvedu do objekata predviđenih za tretman onečišćenih oborinskih voda (taložnici i separatori ulja i masti), a zatim tretirane vode ispuštaju u recipijent.
- 3.11. Da se oborinske vode sa krovova objekata kompleksa pakupe i zatvorenim sistemom kanalizacionih cijevi odvedu direktno u recipijent, odnosno, uraditi sve prema priloženoj projektnoj dokumentaciji, iz tačke 3.1. ovog Rješenja.
- 3.12. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta na mjestima postojećih ispusta do izgradnje okna za monitoring (mjerna mjesta definisana projektnom dokumentacijom iz tačke 3.1.), shodno članu 3. Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 1/24), te pojedinačni i zbirni izvještaj putem laboratorije dostavi Agenciji.
- Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.13. U toku važenja ovog Rješenja, korisnik predmetnog objekta je obavezan poduzeti sve potrebne mjere kako bi kvalitet oborinskih onečišćenih voda, a prije ispuštanja u recipijent, zadovoljio granične vrijednosti emisije definisane u članu 14. Uredbe o uslovima ispuštanja otpadnih voda u okoliš i sisteme javne kanalizacije.
- 3.14. Osigurati priručna sredstva za brzu intervenciju u slučaju nekontrolisanog istjecanja naftnih derivata, kako bi se spriječilo moguće onečišćenje voda i tla (piljevina, prikladni apsorbeni, odgovarajuće posude, uređaji za pretakanje i sl.).
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj: 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik „DIVEL“ d.o.o. Sanski Most je dužan provoditi sve mjere i aktivnosti propisane istom.
6. Korisnik predmetnog objekta je dužan, u skladu sa članom 26 a. stav (1) Uredbe o izmjenama i dopunama Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 1/24), na obrascu iz Priloga B Uredbe, izvještavati ovu Agenciju i Federalno ministarstvo okoliša i turizma o realizaciji planiranih aktivnosti u zadatim rokovima iz detaljnog dinamičkog plana, i to:
- Prvi put najkasnije do 31.12.2024. godine,

- Drugi put najkasnije do 30.06.2025. godine.

Na osnovu navedenih izvještaja, ova Agencija će, u skladu sa članom 26 a. stav (2) Uredbe, sačiniti sumarni izvještaj, na obrascu iz Priloga C Uredbe i dostaviti ga Federalnom ministarstvu okoliša i turizma te Federalnom ministarstvu poljoprivrede, vodoprivrede i šumarstva, najkasnije mjesec dana po isteku naprijed navedenih rokova, koji će biti javno dostupni na web stranicama navedenih ministarstava najkasnije u roku od 10 dana od dana prijema sumarnih izvještaja.

7. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 26. stav (1) Uredbe o ispuštanju otpadnih voda u okoliš i sisteme javne kanalizacije („Službene novine Federacije BiH”, broj: 26/20, 96/20 i 1/24) se daje sa rokom važenja do 30.06.2026. godine.
10. Ovo rješenje o vodnoj dozvoli prestaje da važi ako korisnik predmetnog objekta ne ispunji uvjete iz tačke 3.2. ovog rješenja.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
12. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
13. Ukoliko nosilac prava iz ove vodne dozvole u toku važenja iste, ne ispunji uslove propisane dispozitivom ovog rješenja i ne zadovolji propisane kriterijume koji se odnose na parametre kvaliteta otpadnih voda navedenih u tački 3.6. dispozitiva, ne može u skladu sa važećom legislativom dobiti produženje roka ili novo odobrenje za ispuštanje tehnoloških otpadnih voda.

O b r a z l o ž e n j e

Pravno lice „DIVEL” d.o.o. Sanski Most, obratilo se ovoj Agenciji dana 8.7.2024. godine zahtjevom, broj: 211/24, zaprimljenim dana 11.7.2024. godine, za izdavanje vodne dozvole za ispuštanje tehnoloških otpadnih voda i aktivnosti koje mogu imati specifične uticaje na vode prilikom izvođenja aktivnosti na lokaciji kamenoloma "Poljane", izgrađenog u naselju Donja Sanica, Općina Ključ, a na kojem se vrši eksploatacija industrijske mineralne sirovine dolomita.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Aktuelni izvod iz sudskog registra, Matični broj subjekta upisa: 1-847-00; izdan od strane Općinskog suda u Bihaću dana 04.07.2024. godine, (ovjerena kopija),
- Uvjerenje o registraciji poreznog obveznika; izdano od strane Federalnog ministarstva financija – finansija, Porezne uprave, Kantonalnog ureda Bihać dana 26.12.2002. godine (ovjerena kopija),
- Uvjerenje o registraciji/upisu u Jedinstveni registar obveznika indirektnih poreza, izdano od strane Uprave za indirektno-neizravno oporezivanje Bosne i Hercegovine, broj 04/1-UPP/1-554/07, dana 01.08.2007. godine, u Banjaluci (ovjerena kopija),
- Rješenje, kojim se potvrđuje da privredno društvo „DIVEL” d.o.o. Sanski Most, sa sjedištem u Sanskom Mostu ispunjava uslove za bavljenjem registrovanih djelatnosti iz oblasti građevinarstva kako je registrovano rješenjem Kantonalnog suda u Bihaću broj U/I-715/2004 od 16.04.2004. godine a po Odluci o standardnoj klasifikaciji djelatnosti u Federaciji BiH („Sl. novine Federacije BiH” broj 28/98), odnosno ispunjava uslove za obavljanje slijedećih djelatnosti: 45.1 Pripremni radovi na gradilištu, 45.11 45.110 Rušenje građevinskih objekata i zemljani radovi, 45.21 45.212. Izgradnja objekata niskogradnje, 45.21 45.213 Održavanje objekata niskogradnje i njihovih dijelova, 26.82 26.820 Proizvodnja ostalih nemetalnih mineralnih proizvoda, d.n. – Proizvodnja asfalta, 71.32 71.320 Iznajmljivanje strojeva i opreme za građevinarstvo; izdano od strane Kantonalnog ministarstva privrede Unsko-sanskog kantona pod brojem 06/3-27-2379-UP-1/05, dana 14.03.2005. godine (ovjerena kopija),
- Rješenje, kojim se potvrđuje da privredno društvo D.J.L. „DIVEL” p.o. Sanski Most, sa sjedištem u Sanskom Mostu, ulica Krkojevci bb., ispunjava uslove za obavljanje registrovanih djelatnosti iz oblasti rudarstva, energetike i industrije, kako je registrovano rješenjem Kantonalnog suda u Bihaću broj U/I-1160/97 od 06.08.1997. g., broj registarskog uloška registarskog suda 1-847-00, a po Odluci o standardnoj klasifikaciji djelatnosti u FBiH („Sl. novine FBiH”, broj 28/98), odnosno

- uslove za bavljenje slijedećim djelatnostima: C RUDARSTVO, CB VAĐENJE RUDA I KAMENA, OSIM ENERGETSKIH SIROVINA 14. Vađenje ostalih ruda i kamena, 14.1. Vađenje kamena, 14.11 14.110. Vađenje kamena za građevinarstvo, 14.12. Vađenje krečnjaka, sirovog gipsa i krede, 14.121 Vađenje vapnenca i krede, 14.122. Vađenje sirovog gipsa, 14.13 14. 130 Vađenje škriljaca, osim bitumenzonih, 14.2. Vađenje šljunka, pijeska i gline, 14.21 14.210. Vađenje šljunka i pijeska, 14.22 14.220 Vađenje gline i kaolina, 14.3 Vađenje minerala za kemijsku proizvodnju i proizvodnju mineralnih gnojiva, 14.5 Vađenje ostalih ruda i kamena, d.n., 14.50 14.500. Vađenje ostalih ruda i kamena d.d. D PRERAĐIVAČKA INDUSTRIJA I PROIZVODNJA OSTALIH NEMETALNIH MINERALNIH PROIZVODA 26 Proizvodnja ostalih nemetalnih mineralnih proizvoda, 26.5 Proizvodnja cementa, vapna i gipsa, 26.52 26.520. Proizvodnja vapna, 26.6 Proizvodnja proizvoda od betona, cementa i umjetnog kamena, 26.61 26.610 Proizvodnja betonskih proizvoda za graditeljstvo, 26.63 26.630 Proizvodnja gotove betonske smjese, 26.64. 26.640. Proizvodnja maltera, 26.66. 26.660. Proizvodnja ostalih proizvoda od betona, gipsa, cementa i vještačkog kamena, 26.7 Rezanje, oblikovanje i obrada kamena, 26.70. 26.700. Rezanje, oblikovanje i obrada kamena, 26.810 Proizvodnja brusnih proizvoda, 26.820 Proizvodnja ostalih nemetalnih mineralnih proizvoda d.n. 45.1 Pripremni radovi na gradilištu, 45.31 45.310 Elektroinstalacioni radovi, 45.32 45.320 Izolacioni radovi, 45.5 Davanje u najam mašina i opreme za gradnju ili rušenje sa rukovaocem, 51.532 Trgovina na veliko građevinskim materijalom i sanitarnom opremom 60.240 Prevoz robe (tereta) u drumskom saobraćaju, 70.200 Iznajmljivanje vlastitih nekretnina; izdano od strane Federalnog ministarstva energije, rudarstva i industrije pod brojem Up/I broj: 09-18-1790/99, dana 03.11.1999. godine, u Mostaru (kopija),
- Ugovor o koncesiji Br. KU 021/2004 za istraživanje i eksploataciju dolomita na ležištu „Poljane“ u općini Ključ; zaključen sa koncesorom – Kantonalno ministarstvo privrede Unsko-sanskog kantona pod brojem 26/04, odnosno brojem 06/3-18-17763-1/04, dana 04.12.2004. godine, u Bihaću (kopija),
 - Rješenje, kojim se daje urbanistička saglasnost D.J.L. „DIVEL“; sa sjedištem u Sanskom Mostu, Ul. Krkojevci bb, za eksploataciju mineralne sirovine kamena krečnjaka (dolomitnog grusa), u šumi i na šumskom zemljištu, na lokalitetu „Poljane“, u odjelu 3, GJ „Čelić-Kosa“ udaljenom od Donje Sanice oko 2,5 km, na području općine Ključ; izdano od strane Federalnog ministarstva prostornog uređenja i okolice pod brojem UP-I/02/2-23-2-15/00, dana 22.08.2000. godine, u Sarajevu (kopija),
 - Rješenje, kojim se odobrava privrednom društvu „Divel“ d.o.o. Sanski Most produženje roka važenja odobrenja za eksploataciju mineralne sirovine – dolomita na eksploatacionom polju ležišta „Poljane“ kod Donje Sanice na području općine Ključ, koje je odobreno od strane Federalnog ministarstva energije, rudarstva i industrije Mostar Rješenjem Up/I broj: 06-18-855/06 od 21.06.2007. godine; izdano od strane Ministarstva privrede Unsko-sanskog kantona pod brojem 06-14-4954-UP-1/22, dana 15.06.2022. godine, u Bihaću (kopija),
 - Rješenje o okolišnoj dozvoli, kojim se izdaje okolišna dozvola operatoru „DIVEL“ d.o.o. Sanski Most za površinsku eksploataciju dolomita na kamenolomu „Poljane“, Donja Sanica, općina Ključ, površine eksploatacionog polja 1,6 ha, ograničeno prelominim tačkama D-C1-B1-E koje su definirane koordinatama YX kako slijedi: D Y 6 396 448 X 4 943 377, C1 Y 6 396 487 X 4 943 293 B1 6 396 337 X 4 943 230 E Y 6 396 300 X 4 943 326, izdano od strane Ministarstva za građenje, prostorno uređenje i zaštitu okoline Unsko-sanskog kantona pod brojem 11-19-3583-UP-1/21, dana 20.09.2021. godine, u Bihaću (kopija),
 - Rješenje, kojim se privrednom društvu „DIVEL“ d.o.o. Sanski Most dozvoljava izvođenje radova po Glavnom rudarskom projektu površinskog kopa dolomitnog grusa „POLJANE“ Donja Sanica kod Ključa, u daljem tekstu (Projekat); izdano od strane Ministarstva privrede Unsko-sanskog kantona pod brojem 06-18-13277-UP-1/2016, dana 25.10.2006. godine, u Bihaću (kopija),
 - Rješenje o vodnoj dozvoli; kojim se pravnom licu „Divel“ d.o.o. Sanski Most daje vodna dozvola za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije prostora površinskog kopa „Poljane“, Donja Sanica, općina Ključ; izdano od strane Agencije za vodno područje rijeke Save Sarajevo pod brojem UP-I/25-3-40-079-7/19, dana 27.05.2019. godine (kopija),
 - Izvještaj o ispitivanju, urađen od strane Ispitne laboratorije Instituta za hemijsko inženjerstvo d.o.o. Tuzla pod brojem 658-03/23, dana 06.12.2023. godine,
 - Spisak aktivnosti i mjera sa finansijskom procjenom za ulaganje u periodu od 2 godine za površinski kop „Poljane“ na lokalitetu Donja Sanica , Općina Ključ, korisnika „DIVEL“ d.o.o. Sanski Most,

- Nalog za plaćanje upravne pristojbe (kopija),
- Popratni akt o dopuni podneska zahtjeva, broj: 287/24 od 02.09.2024. godine,
- Izjava – Potvrda operatora javnog vodnovodnog sistema Općine Ključ JP „UKUS“ d.o.o. Ključ u stečaju, da nije upravitelj vodovodnih sistema na području M.Z. Sanica, na čijem području se nalazi majdan Poljane, na zemljištu označenom kao k.č. broj: 1117, K.O. Sanica Donja. Nadalje se navodi da operator nije nadležan za definiranje zaštitnih zona izvorišta pitke vode na području MZ Sanica Donja te da predmetna aktivnost nije u koliziji sa zonama sanitarne zaštite izvorišta za javno vodosnabdijevanje; izdan od strane JP „UKUS“ d.o.o. Ključ, u stečaju pod brojem 314/24, dana 30.08.2024. godine (kopija),
- Rješenje o vodnoj saglasnosti za ispuštanje otpadnih sanitarnih voda, kojim se daje vodna saglasnost privrednom društvu „DIVEL“ doo Sanski Most za ispuštanje otpadnih – sanitarnih voda iz sanitarnog čvora i upravnog objekta – površinskog kopa mineralne sirovine – dolomita, majdana POLJANE u Donjoj Sanici, izgrađenog – otvorenog po investitoru „Divel“ doo Sanski Most na osnovu Koncesionog ugovora sa kantonalnim ministarstvom privrede USK-a, broj: KU 021/2004 na parceli označenoj kao k.č. broj: 1117, ko Sanica Donja, zvana „strane“, društvene svojine; izdano od strane Službe za prostorno uređenje, stambeno-komunalne, imovinsko-pravne i geodetske poslove Općine Ključ pod brojem 03-19-1-465/21, dana 07.07.2021. godine, u Ključu (kopija),
- Zaključak o visini i roku za plaćanje posebnih troškova; izdan od strane Agencije za vodno područje rijeke Save Sarajevo pod brojem UP-1/21-3-40-347-3/24, dana 21.8.2024. godine te uplatnica troškova,
- Projekat u svrhu pribavljanja vodnih akata (vodne dozvole), Projekat izvedenog stanja, hidrotehnička faza; urađen od strane ovlaštenog pravnog lica URBIS CENTAR d.o.o. Banjaluka pod brojem 1405-P/2015, jula 2015. godine,
- Rješenje, kojim se privrednom društvu „DIVEL“ d.o.o. Sanski Most odobrava površinska eksploatacija mineralne sirovine dolomitnog grusa eksploatacionog polja „Poljane“ na području općine Ključ; izdano od strane Federalnog ministarstva energije, rudarstva i industrije pod brojem Up/I broj: 06-18-855/06, dana 21.6.2007. godine, u Mostaru,
- Službena zabilješka o povratu projektne dokumentacije, broj: UP-1/21-3-40-347-7/24 od 30.10.2024. godine,
- Prilog A – Detaljni dinamički plan po godinama sa aktivnostima, financijskom procjenom i rokovima za izgradnju i puštanje u rad sistema za prikupljanje, tretman i ispuštanje tehnoloških otpadnih voda, a najkasnije do 30.06.2026. godine.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj: 31/15, 55/19, 41/20 i 62/22), izvršen je pregled lokaliteta kamenoloma "Poljane", koji se koristi od strane firme „DIVEL“ d.o.o. Sanski Most, i tom prilikom sačinjen zapisnik o uviđaju, broj: UP-1/21-3-40-347-5/24 od 18.9.2024. godine, pri čemu je utvrđeno:

Eksploataciono polje je površine 1,6 ha ograničeno prelomnim tačkama označenim kao: B₁, C₁, D i E, koje su definisane koordinatama (x,y):

Prelomne tačke	koordinate	
	Y	X
B ₁	6 396 337	4 943 230
C ₁	6 396 487	4 943 293
D	6 396 448	4 943 377
E	6 396 200	4 943 326

kako je definisano gore navedenim Rješenjem, kojim se odobrava eksploatacija kamena dolomita unutar eksploatacionog polja „Poljane“, Ključ, izdanim od strane Federalnog ministarstva energije, rudarstva i industrije pod brojem 06-18-855/06, dana 21.6.2007. godine, u Mostaru.

Na predmetnom kamenolomu, u vrijeme izvršenja uviđaja nisu vršeni radovi. Pristupni makadmski put je uslijed padavina i neodržavanja erodirao i istim se može prići kamenolomu samo terenskim vozilom ili pješice.

Na lokaciji su postojali slijedeći objekti i mašine/ postrojenja: sepracijsko postrojenje, upravni objekt sa prostorom za ishranu radnika, utovarivač. Na prostoru depoa gotovih materijala se nalazi veća količina kamenog agregata, odloženog prema zahtjevanim frakcijama (0-4, 4-8, 8-16 i 16-32 mm).

Snabdijevanje vodom za piće se vrši flaširanom vodom. Za sanitarne potrebe i tehnološke potrebe sapiranja prašine na separacijskom potrojenju i transportnim putevima u ljetnom periodu se koristi voda iz dva metalna nadzemna spremnika zapremine po 2.000 litara.

Oborinske vode sa internih saobraćajnih i parkirnih površina, radnih površina kopa te skladišnih površina gotovih proizvoda, a koje mogu da sadrže produkte naftnih derivata sa radnih mašina i vozila u prometu internog saobraćaja, kao i suspendirane materije sa radnih mašina i gotovih proizvoda se najvećim dijelom gravitaciono slijevaju okolnim tlom ka obodnom kanalu uz transportni put, kojim se dalje odvođe do cestovnog kanala pristupnog makadamskog puta.

Nije izveden plato za tankovanje, sapiranje i održavanje radnih mašina, kao niti sistem za prijem, tretman i ispuštanje zauljenih oborinskih voda sa istog.

Nisu izvedeni obodni kanali sa prijem zamuljenih otpadnih voda sa radnih površina kopa niti sa prostora depoa gotovih materijala, kao niti sistem za prijem, tretman i ispuštanje zamuljenih otpadnih voda.

Nije izvršena dopuna projektne dokumentacije niti radovi na izgradnji sistema za prijem tretman i ispuštanje otpadnih voda sa prostora predmetnog površinskog kopa, kako je to bilo uvjetovano predhodno izdanim vodnim aktom.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su, u dispozitivu rješenja, propisani uslovi pod kojima je izdano ovo rješenje i koji se trebaju ispoštovati u toku važenja istog. Na osnovu provedenog postupka i utvrđenog činjeničnog stanja, doneseno je rješenje kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Ahmet Smajlović, dipl. inž. arh.

Po ovlaštenju
Rukovodilac sektora za izdavanje
vodnih akata



Dostaviti:

- „DIVEL“ d.o.o. Sanski Most, Krkojevci bb, 79 260 Sanski Most,
- ⊖ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča - AVP Sava